

Johann Georg Dorsche

**Rector Universitatis Rostochiensis Johannes Georgius Dorscheus D. & Professor Theologus, Ad Exequias ... Puellae Christinae Buecks/ [...] XI. Iunii huius anni ... denatae. Quas Moestissimi Parentes hodie hora 1. in templo Mariano XVI. Iun. paraturi sunt, frequentia decora cohonestandas Literatos omnium ordinum omnes ... velut ...**

[Rostock]: Kilius, 1659

<http://purl.uni-rostock.de/rosdok/ppn747422982>

Druck Freier  Zugang




Dorscheus, J. G. ,

in C. Bueck.

R. 1659
















RECTOR  
UNIVERSITATIS ROSTOCHIENSIS  
JOHANNES GEORGIUS  
DORSCHAEUS D. & PRO-  
FESSOR THEOLOGUS,

AD EXEQVIAS  
FLORENTISSIMÆ PUELLÆ

CHRISTINAE



BEERES/

Idi Junii hujus anni in DOMINO JESU  
Sponso suo pie denatæ,

*Quas*

Mœstissimi Parentes

hodie hora I. in templo Mariano XVI. Jun.  
paraturi sunt,

frequentia decora cohonestandas

Literatos omnium ordinum omnes & literarum  
fautores, Cives imprimis Academicos,  
velut

ad mortalitatis per omnes ætates grassantis  
exemplar

peramanter & studiosè invitæ atq; cohortatur

Salutem perennem precatus!

Typis Hæredum NICOLAI KILII, Acad. Typ.  
ANNO M. DC. LIX.





**O**Mnia, quæcunque possidemus, quibus utimur, quibus fruimur, non possidemus vel fructu usuque capimus, si ad Deum respiciamus, jure proprio aut ejusmodi donationis, quæ proprietatem quandam induceret. *Dono Deiteneantur omnia.* Singulare tamen est & eximium quiddam, quod Hieropsaltes de prædicat Ps. 127, 3. cum ita cantitat, *הנה נכלה יהוה בנום שכר פרו הכר* LXX. ita reddunt: *ιδὸς ἡ κληρονομία υἱοῦ, υἱοῦ, ὁ μισθὸς τῆς καρτῆς τοῦ γαστῆρος.* *Ecce hæreditas Domini, filii, merces fructus ventris.* Vulgata ita habet, nisi quod fructus ventris Latinis videatur dici merces ipsius Domini, sicut filii dicuntur hæreditas Domini: LXX. verò dicat, filios, sive liberos esse mercedem ipsius fructus ventris, sicut sunt hæreditas Domini, quod alienum à scopo Psaltis. Ille enim nominavit filios, sive liberos; ut autem constet, quos indigitet liberos, nominat fructum ventris, ut intelligamus, prolem intelligi ex benedictione paradisiaca Gen. 1, 18. oriundam. Abit Augustinus Tom. 8. in *Enarrat. b. Ps. à litera*, cum ita ait: *Quomodo dicit, fructus ventris? Parturiti sunt filii isti. Est quadam mulier, in qua spiritualiter ostenditur, quod dictum est Eva, in gemitu parturientes. Parit enim Ecclesia filios conjunx Christi: & si parit, parturit. In cujus figura etiam Heva mater vivorum appellata est. In membris parturientis erat ille, qui dicebat, Filioli mei, quos iterum parturio, donec Christus formetur in vobis. Sed non frustra parturit, nec frustra peperit. Erit semen sanctum in ro-*  
JurrCo



*resurrectione mortuorum. Abundabunt iusti, qui diffusi sunt modo toto orbe terrarum. Gemit illos Ecclesia, parturit illos Ecclesia. In illa autem resurrectione mortuorum apparebit partus Ecclesia, transiet dolor & gemitus. Et quid dicetur? Ecce hereditas Domini filii: merces fructus ventris: huius fructus ventris, non hic fructus ventris, merces huius fructus ventris. Qua est ipsa merces? resurgere à mortuis. Qua ad ipsa merces? surgere, posteaquam sedisti. Qua est ipsa merces? letari, posteaquam manducaisti panem doloris. cuius ventris? Ecclesia, in cuius ventre, quia ejus typum Rebecca gestebat, duo illi gemini tanquam duo populi luctabantur. Una mater in doloribus suis dissentientes fratres nondum natos continebat. Pulsabant materna viscera discordis internis: gemebat illa, vim pariebatur: sed pariens discernebat, quos geminos pragnans pertulerat. Sic & modo, fratres, quamdiu gemitus datus est Ecclesia, quamdiu parturit Ecclesia, ipsi sunt intus boni & mali. Fructus autem ventris in Jacob erat, quia ipsam dilexit mater; Jacob dilexi, dicit Deus; Esau autem odio habui. Ambo de utero processerunt, unus amari meruit, alius reprobari. In dilectis ergo ejus fructus erit. Bene quidam ista sese habent, sed Spiritus sancti mentem Regii Psaltæ verbis expressam non attingunt. Nec quadrat Joh. Lorini h. l. annotatio, quæ est; Propheta prædicit fore, ut populo suo, ipsum à captivitate liberando, si spem in Deum conjecerit, somnum det Deus quietis, pacisq;: tunc autem clarius deprehendatur, eum autem esse Domini hereditatem & populum DEO dilectum, quemadmodum fuerant David & Salomon, concedaturq; non modo domum adificare, id est, templum, & custodire civitatem repulsis hostibus, qui post reditum è captivitate impedire voluerint; verum etiam in liberis angeantur, & multorum fiant liberorum Patres. Hac Domini censetur hereditas, quia ipsius*  
*munes*



minimus peculiare ac merces promissa populo Hebræo, apud quem  
tanti fiebat secunditas, & copiosa proles, ita ut inter promissio-  
nes esset una, non futuram sterilem sexus utriusque apud illos.  
Non sanè apparet, qua ex causa verba Davidica ita restringere  
queamus. Nam quod inscriptio hoc Canticum pro Salomone  
dicat concinnatum, non vult, loqui Canticum de Salomone tan-  
tum. Adeò non elucet ex hoc Psalmo, vel in eo sermonem habe-  
ri de templo, quod Salomon construere debebat, cum id, secus  
voluerat, David nequivisset, sed propter tam piam tamen volun-  
tatem domus ipsius ac regie dignitatis, cuius post eum Salomon  
primus hæres futurus erat, in ea perpetuitatem, quod Christi  
spirituante regnum typicè designat, DEUS promississet: vel eum  
loqui de templo secundo, in quo excitando, cum non parva diffi-  
cultates futurae essent, etiam post factam à Cyro potestatem,  
ita ut per annos 40. fabrica duraverit, Salomon quodammodo  
introducitur tanquam expertus divinam opem, in dedicatione  
custodiæq; templi, & civitatis, adhortans Zorobabelem, quo pa-  
cto in ea re se gerere debeat. Generalia sunt regni vatis  
axiomata, quæ ad peculiariora & singulariora non sunt re-  
stringenda. Interim nemo pius inficiabitur, debuisse  
Salomonem & pios quosque ista applicare ad casus &  
consilia imminencia, Liberi itaq; quos largitus ex con-  
nubiali thoro divina benignitas, sunt hæreditas Domini,  
& fructus ventris sunt merces, juxta translationes addu-  
ctas. Hæreditatem Dei explicat B. Lutherus pro dono  
DEI, & quidem singulari & excellentissimo, ut à quo-  
cunq; alio, quod divinitus nobis obvenit, distinguatur.  
Habet enim se hæreditas instar doni, utpote nullo no-  
stro studio acquisita, si naturali successione nobis obve-  
niat. Alias propriè hæreditas non sunt liberi, quando-  
quidem extrinsecus haudquaquam adveniant. Itaque  
Impro-



improprietate remota Magalander vertit, donum DEI  
Non assequor, cur Joh. Lorino è Lojolæ schola videa-  
tur hæreditas Domini hic sumi, non de ea, quam dat, sed  
quam quodam modo acquirit Deus, ut nempe iidem, qui  
postea dicuntur filii scil. Dei, dicantur hæreditas illius  
esse. Licet enim omnia plusquam hæreditaria proprie-  
tate sint Domini, non tamen aliud nunc agit Hieropsal-  
tes, quam ut nobis indicet, quid obveniat mortalibus à  
Domino, nimirum eximium & peculiare quoddam à Deo  
donum, & hæreditas nobis obveniens, qua ditemur &  
incomparabili quapiam perfundamur voluptate. Nec  
aliud vult, cum dicit fructum ventris esse mercedem.  
Ita fructus ventris merces est, ut filii sint hæreditas. Im-  
propriè hæreditas, impropiè merces. Si enim pro-  
priè hæreditas Dei sunt liberi, non sunt merces. Si pro-  
priè sunt merces, non sunt hæreditas. Itaque & merces  
pro dono summè gratuito ponitur, ut Gen. XV, 1. Liberi  
ergo quibus acquirendis Deus Opt. Max. fructum ven-  
tris, tanquam seminarium quoddam consecravit, ita in  
naturalibus sunt nobis donum Dei, ut nulla alia creatura  
hoc modo graduque donum Dei dici possit. Cælum &  
in eo radiantia stellarum innumerabilium agmina do-  
num Dei sunt; aer & in eo volitantes aves innumerabiles  
& inexplicabiles, donum Dei sunt: aqua in varia maria  
& flumina distributa, & in illis natitantia infinita & in-  
estimabilia piscium examina donum Dei sunt: terra &  
quicquid illa sustinet in sua superficie, quicquid in late-  
bris continet, quicquid in venis, cavernis, sinibus, re-  
cessibus complectitur, donum Dei est. Divinitus condita  
sunt omnia. Divinitus ordinata ad emolumentum homi-  
nis sunt omnia. Divinitus exhilarando etiam homini  
condu-



conducunt omnia. Nihil tamen assequitur illud donatio-  
nis fastigium, in quo modo positi sunt liberi. Illi n. sunt  
donum ex parentibus datum parentibus, non tantum ex  
parentibus secundum eam partem, quæ terrena est, & mu-  
tationibus obnoxia, sed etiam secundum eam, quæ im-  
mortalis est & perennatura. Neutra n. seorsim constituit  
liberos. Et hoc ipsum ad inestimabilem quandam doni  
divini pretiositatem facit, quod intra nos reconditam  
esse voluerit Deus omnipotens, illam vim, ex qua in ista  
perfectione liberi emergere queant. Supergreditur hæc  
omnium cæterarum creaturarum excellētiam tanto ma-  
gis, quanto anima rationalis omnibus excellentior est.  
Sunt donum ex quo Ecclesia Dei sponsa comparanda,  
Sunt donum ex quo omnes Reip. ordines instaurandi.  
Sunt donum, quo cælum implendum. Tanta ex hoc do-  
no speranda sunt, si illud rectè custodiatur, & pia solli-  
citudine conservetur. Tanto acrior & intensior dolor  
pios parentes obruit, si donum tantum tamque pretio-  
sum mors præmatura eripit. Eo nunc penitus occupa-  
tus est Spectatissimus & honoratissimus Vir, DN. JO-  
HANNES Buech / Amicus noster dilectissimus, cum fi-  
liolæ suæ, flosculo thalami sui florentissimo, dono præ-  
stantissimo, exequias parare necesse habet. Confidimus  
autem per gratiam mitissimi JESU, qui & ipse fructus  
matris suæ & donum ineffabile factus est, lenitum iri do-  
lorem acerbissimum, si considerabitur, ultra siderum re-  
gionem, in beatorum habitaculum donum illud transla-  
rum esse, ubi tutissimè custoditur & ibi asservatur, ubi  
tantum donum servari decuit, ubi auctius, emendatius  
& pulchrius suo tempore recuperabitur. Datum est mun-  
do hoc donum præclarissimum, CHRISTINA Buech  
& in



& in sinum Parentum depositum An. Chr. M. DC. LII.  
ultimo Julii. Parentem habuit, quem jam nominavi-  
mus, virum prudentia & negotiorum gerendorum per-  
spicacia exercitatisimum, DN. JOHANNEM *Bued*/  
Præfectum & ædilem templi Jacobæi, Senatus Centum-  
viralis Assessorem, Civemq; primarium. Matrem ha-  
buit CHRISTINAM CARMONIAM, feminam sui  
sexus ornamentis & virtutibus excellentem. Avus pa-  
ternus puellæ fuit JOHANN. *Bued* / Negotiator & Ci-  
vis Hamburgensis primarius & laudatissimus. Avia Pa-  
terna, JESCHA *Sonnebergs* / matrona cultu Dei &  
familix cara florentissima. Avus maternus fuit JA-  
COBUS CARMON, antiquæ fidei hujus urbis civis,  
Centum Vir, Curator & præfectus orphanotrophii fidis-  
simus, exercitis olim negotiationibus amplis satis cele-  
bris. Aviam Maternam, MARGARETAM SIBE-  
THEN, habuit, feminam præstantissimam, ex peranti-  
qua & nobilissima apud Britannos SIBETHORUM fa-  
milia oriundam. Satis fuit visum, has origines anno-  
tasse ad funus puellæ, quæ amplius jam sæpe deductæ fu-  
erunt. Hac nascendi præstantia eximia CHRISTINA.  
ut Christiana fieret & cœlesti nativitate donaretur, pia  
solicitude parentum curavit. Quæ magna vigilantia  
reliquum vitæ curriculum instruxit, ut suavissima exci-  
taret gaudia, ad commoda porro orbis accommodanda.  
Aliter autem visum est ei, qui omniscio oculo omnia lu-  
strat & optimè omnibus prospicit. Nam per morbum  
periculosum illicò ad immortalitatem cœlitus evocata  
fuit. De Morbo ita disseruit excellentiss. & experientiss,  
vir, Dn. Caspar Marchius, Med. D. Clariss. ejus & Math.  
Prof. celebr. Collega & Amicus noster honoratissimus.

*Roga-*



Rogatus à Parentibus puellulae beatissimae CHRISTINAE BUCKIAE, ut historiam morbi, quò piusima illa sensim periit, enarrarem, haud potui, nec volui etiam deesse ipsorum desiderii. Non unus autem aut simplex eheu! fuit, quò tenerissimi corporis vires debellari diu satis, tandemq; prosterni vidimus. Initiò quidem circa 22. Aprilis Morbilli suis sese indicio produderunt, quibus febris ardens conjuncta pro more fuit; Mox largè satis his ipsis erumpentibus, extra periculum hic quidem morbus fuit: Verùm perseverans hemisphæria sinistra lateris & vix quicquam liberaliori etiam hamorrhagiâ narium sedata, tum etiam Ventris tormina, & sensuum corporis ac in soporem proclivitas, suspicionem complicatorum aliorum affectionum, scorbuti ad minimum & verminosi, non certè vanam induxerunt. Sublatis enim & deletis planè intra octiduum Morbilli superesse videbatur alia Febris erraticâ, incerta, (ut solens plerunq; esse scorbuticâ) haud planè intermittens, circa meridiem tamen ut plurimum, aliquando bis in die manifestiorem paroxysmum ostendens. Circa medium Maji spes aliqua affulgebat convalescentiâ, quando quidem non amplius continuo calore fovebatur, sed manifestæ & satis longæ intermissiones, paroxysmi contra breviores animadvertabantur, adeo ut parcissime decumberet, plerunq; vestibus non exuta, rediretq; ad consuetos cum sodalibus usus. Interea suspecti hæcenus vermes semel atq; iterum per secessum prodierunt, quorum conjuncta putredo ante ipsum hujus mensis finem vehementiorem febrem excitavit; quâ exacerbatus sinistra lateris in capite dolor, junctis subinde ventris torminibus miserrimè afflixit tenerrimum corpus, viresq; ejus, frustra prorsus adhibitis quibuscunq; tum febrî, tum doloribus, tum vermibus oppositis remediis, variisq; consortantibus brevi adeo prostravit, ut jam semi-mortua visa fuerit, itaq; decumbens nec cibum nec potum per aliquot dies admiserit, nec voces ferè ullas, quam quibus ô Jesu, Jesu, ingemuit, ediderit, suq; dum piusima hæc suspiria exaudiens Salvator eam placidissimò vita sine die 11. præsentis mensis sub ipso solis exorsu gratiosè beaverit.


Habetis curriculum vitæ puellæ nostræ, quo cito ad felicitatem perennitatis venit. Nostrum nunc est, ut ad necessarium pietatis Christianæ officium numerosam præstemus frequentiam. Causa elucet ex his, quæ dicta sunt. Quibus jungo preces & monita mea seria, quibus apud vos locum futurum, amor, quo me prosequimini, vester omnino mihi persuadet. Dab. ROSTOCHI An. Chr.

M.DC.LIX XVI. Junii.

Conventus fiet hora I. in templo Jacobæ.

165)0(50



















& in sinum Parentum depositum An. C  
 ultimo Julii. Parentem habuit, quem  
 mus, virum prudentia & negotiorum g  
 spicacia exercitatisimum, DN. JOHA  
 Praefectum & aedilem templi Jacobaei, S  
 vivalis Assessorum, Civemq; primarium  
 buit CHRISTINAM CARMONIA  
 sexus ornamentis & virtutibus excellen  
 ternus puellae fuit JOHANN. Quaedam  
 vis Hamburgensis primarius & laudatis  
 terna, JESCHA Sonnebergs/ mat  
 familiae cara florentissima. Avus m  
 COBUS CARMON, antiquae fidei  
 Centum Vir, Curator & praefectus orph  
 simus, exercitatis olim negotiationibus  
 bris. Aviam Maternam, MARGAR  
 THEN, habuit, feminam praestantissim  
 qua & nobilissima apud Britannos SIBI  
 milia oriundam. Satis fuit visum, ha  
 tasse ad funus puellae, quae amplius jam  
 erunt. Hac nascendi praestantia eximia  
 ut Christiana fieret & caelesti natiuitat  
 sollicitudo parentum curavit. Quae r  
 reliquum vitae curriculum instruxit, ut  
 taret gaudia, ad commoda porro orbis  
 Aliter autem visum est ei, qui omniscio  
 strat & optime omnibus prospicit. N  
 periculosum illic ad immortalitatem  
 fuit. De Morbo ita differuit excellentis  
 vir, Dn. Caspar Marchius, Med. D. Clar  
 Prof. celebr. Collega & Amicus noster

LII  
 navi-  
 per-  
 uct/  
 tum-  
 n ha-  
 m sui  
 s pa-  
 & Ci-  
 a Pa-  
 dei &  
 JA-  
 ivis,  
 fidis-  
 celeo  
 BE-  
 anti-  
 M fa-  
 nno-  
 a fu-  
 NA.  
 , pia  
 antia  
 exci-  
 nda.  
 a lu-  
 bum  
 cata  
 tifs,  
 ath.  
 mus.  
 ogz

